

ANDREÆ VESALII.



Obijt 15 oct 1564 æt 58

# ANDREÆ VESALII

BRUXELLENSIS, DE HUMANI CORPO-

RIS FABRICA LIBER PRIMVS, IIS QVAE

uniuersum corpus sustinent ac suffulciunt, quibusq; omnia  
stabiluntur & adnascuntur dedicatus.

QVID OS, QVISQVE IPSIVS VSVS  
& differentia. Caput I.



**O**S CAETERARVM hominis partium est durissi-  
mum, & aridissimū, maximeq; terrestre & frigidum,  
& sensus denique præter solos dentes expers. Huius  
enim temperamenti summus rerum opifex Deus  
substantiā meritò efformauit, corpori uniuerso fun-  
damenti instar subiiciendam. Nam quod parietes &  
trabes in domibus, & in tentorijs pali, & in nauibus  
carinæ simul cum costis præstant, id in hominis fa-  
brica ossium præbet substantia. Ossium siquidem  
alia roboris nomine tanquam corporis fulcra pro-  
creantur, e quorum numero sunt tibiæ & femo-  
rum ossa, & dorsi vertebrae, ac omnis fere ossium con-  
textus. Alia reliquis partibus ueluti propugnacula,  
tutissimiq; ualli & muri à natura obijciuntur, quem-

Ossis natura.

Ossium usus.

Ossis differen-  
tia ab usu.

admodum caluaria, uerterarum spinæ, & transversus earundem processus, pectoris os, costæ.  
Alia quorundam ossium articulis præficiuntur, ne illi plus satis laxè moueantur, aut in ni-  
mum acutos inclinentur angulos. Huiusnanque beneficii occasione, ossicula effinguntur,  
scelami seminis magnitudini à dissectionis professoribus comparata, quorum quædam secun-  
do pollicis manus internodio, & quatuor reliquorū digitorum primis internodijs, & primis  
etiam internodijs quinque digitorum pedis coarticulantur. Dentes porro incidendis & con-  
fringendis & atterendis moliendisq; cibis priuatim conducunt, perinde ac duo auditus instru-  
menti ossicula peculiari usu audiendi officio famulantur. Verum cuiusq; ossis primum mu-  
nus, singulorum ossium Caput fufius ostendet, quandoquidem in præsentia abunde est, gene-  
ratim ossium usum recensere: quo (ut semel dicam) hæc fulcrorum modo uniuersam corporis  
molem sustentant, & ijs omnia adnascuntur & firmanantur, & ab ipsidem suspenduntur, adeo  
sanè ut ex ossium usu aut officio, non alia quàm modò fere diximus, desumi possit differentia.  
In magnitudine uerò ossa uariant, quòd nonnulla quidem sint grandia, ut femur, tibia os, hu-  
merus, & ossa sacri ossis lateribus utrinque connexa: nonnulla autem parua existant, ut bra-  
chialis ossa, dentes, & ossicula quæ scelamo assimilantur. Alia rursus ampla sunt, ut ossa sacri os-  
sis lateribus coarctata, scapulæ, sacrum os, uerticis ossa, frontis & occipitij. Alia angusta & gra-  
cilia & longa, ut fibula, radius, ulna, & cum alijs multis costæ. Porro satius erit omnes diffe-  
rentias, quas à forma petere integrum esset (cum innumeræ occurrant) ad priuatas ossium  
descriptions referuare. Arduum quippe esset, ossibus nondum enarratis assequi, quæ nam  
horum sint aspera: ut ea quæ lapidea in caluariae basi uocabimus, quòd præruptæ rupi simi-  
lia uideantur, item quæ læuia sint, ut uerticis ossa, frontis os, pectoris os. deinde quæ triangu-  
lum referant, ut scapulæ: & quadrangulum, ut uerticis ossa: & quæ cunei speciem obtineant,  
ut capitis os, à cuneo *opluosides* dictum: & quæ iugis assimilentur, ut *zygomatica* Græcis, iuga-  
lia autem nostris appellata: & quæ nostrum imitentur, ut claviculæ: & quæ ensis effigiem  
ostendant, ut pectoris os: insuper quæ figuram referant, ut *osioles* uocatum os: & quæ ra-  
dij quo latiores cordulæ texuntur figuram exprimant, ut cubiti os radij nomine donatum: &  
quæ cubo reseræq; comparamus, ut pedis os à cubi imagine *libosides* nuncupatum: & quæ  
cymbæ imagini accedant, ut pedis os à cymba Græcis *σκαφοειδες* appellatum: & quæ mola,  
seuto & patellæ similia dicantur, ut os genu articulo præpositum: ad hæc quæ totius Italiae  
circumscriptionem leuiter proponant, ut femur: & quæ fibulam representent, ut tenuius in ti-  
bia os fibula appellatum: & quæ coccygis seu cuculi auis rostro comparentur, ut sacro ossi sup-  
positum os, quod coccyx nuncupatur: dein quæ incudis uel molaris dentis effigiem quodam-  
modo repræsentet, ut minus organi auditus ossiculum: & quæ malleum, ut grandius eiusdem

Differentia à  
magnitudine.

A. forma.

A organi